

Ի Զ

Ս. ԳԷՈՐԳԻ ՎԱՆՔԸ ՌԵՍԼԷԻ ՄԷՋ

1. ՌԵՄԼԷՆ ԱՐԻՄԱԹԻԱՆ ՀԷ.

Գիտենք թէ Յովսէփ Արիմաթացին կը յիշուի Աւետարանին մէջ, Մարկ. ԺԵ. 43. Ղուկ. ԻԳ. 51, և աշակերտ էր Յիսուսի, Յովն. ԺԹ. 38, և ան էր որ մեր Տէրը թաղեց իրեն յատուկ գերեզմանին մէջ: Աւանդութիւնը և Խաչակիրներէն սկսեալ ուխտաւորներն և ճամբորդները կ'ըսեն թէ՛ Ռեմլէն՝ Յովսէփ Արիմաթացիին ծննդեան տեղն է: Արիմաթեան, ըստ Ղուկասու, կոչուած է փաղափ Հրեից. Ռաւսահ կամ Ռաւնաքան երբայեցերէնին յունարէնն է Արիմաթեան: Եօթանասնիցը սովորաբար կը թարգմանէ զայն Ռաւնաքայիւ: Արիմաթեան շատ գիտուններ կը նոյնացնեն Ռեմլէի հետ, որ Լիւզի հարաւային կողմը երեք քիլոմէթր է:

Ռեմլէն Յոպպէէն դէպի Երուսաղէմ և Եգիպտոսէն դէպի Դամասկոս տանող ճամբուն վրայ շինուած է և փոքր գիւղ մ'է: Ինչպէս ակնարկեցինք վերև, կ'ըսուի թէ Ռեմլէն շինուած է հին Արիմաթեայ քաղաքին տեղը, և Յովսէփ Արիմաթացիին անունով ալ հաստատուած են սրբավայրեր և մատուռներ. բայց եթէ հաւատանք արաբ մտանազիրներուն, մասնաւորապէս Ապուլ Ֆէտայի, ան հիմնուած է 716 ին Ապտ էլ-Մէլէքի որդի Սիւլէյմանի կողմէն, ինչպէս ստորև ալ պիտի գրենք. և այս տեղեկութիւնը կը հաստատեն Տիւրացի կիյեօմ և Մարինոս Սանուզոս: Գիտուն մը՝ Ռոպինսօն կը հերքէ Ռեմլէի նոյնացումը Արիմաթայի հետ. անոր ըսածին նայելով հին յիշատակարանները ցոյց կու տան տեղ մը աւելի Լիւզի հիւսիսային-արևելքը կամ արևելքը քան թէ հարաւը: Բաց աստի, կ'ըսէ ան. 1. — Ռեմլէի Արիմաթեայ աւանդութիւնը Թ. դարու ծագում ունի, աւելի հին ուխտաւորները, առանց անոր վրայ խօսելու, կը յիշեն շրջակայ քաղաքները: 2. — Ռեմլէն, ինչպէս վերև ըսինք, հին քա-